



Claudii Fleurii Abbatis Historia Ecclesiastica

Ab anno Christi 1581 usque ad annum 1589

Fleury, Claude

August. Vind. [u.a.], 1772

VD18 90118650

§. 40. Guisius Dux sedatis Parisinis Regis copias ab interncionis periculo
eximens.

[urn:nbn:de:hbz:466:1-67246](#)

Sæcul. XVI
A. C. 1588.

runt: insuper ab illis in plateis e pavimento silices evelluntur, ac ingentibus lignorum plaustris, necnon dolis fabulo, ac fimo repletis viarum aditus intercluduntur, omniq[ue] ex parte cum tanta animi promptitudine ad regios opprimendos desudatum, ut die ad meridiem nondum inclinata in singulis plateis ejusmodi impedimenta ubique ereta, ac milite munita cernerentur, ea que nonnisi quinquaginta passibus a Luperæ Palatio distarent.

§. XL.

Guifius Dux sedatis Parisinis Regis copias ab internacionis periculo eximens.

Davil. l. 9.
Thuan. l. 90.

Cum ergo Regis copiæ hac ratione undique interclusæ hærerent, nec progredi, nec regredi possent, certo exponebantur periculo, ne lapidibus, qui in eas ex omnibus fenestris projicerentur, oppressæ, aut Scloporum quos cives hisce repagulis tecti impune exploderent, ictibus prostratæ perirent, nam jam plures, ac sexaginta Helvetii occubuerant, cum opportune Guifius Dux, qui in suo diversorio hucusque subsistebat, cum urbem suæ potestati relictam, ac milites, aut captos, aut armis spoliatos, imo ipsum etiam Regem

Regem a suis obseffum, & veluti Lumaræ Sæcul. XVI. captum cerneret, in medio populi com- A.C. 1588. paruit, ac nonnisi arundinem in manu gestans nil sibi timendum demonstravit, postea vero de vico ad vicum pertransiens omnes incolas hortabatur, ut se adversus vim tuerentur, cum ipsi, ut inquiebat ipse, non sine manifesto Dei beneficio suam vitam, familiam, libertatem, Religionem, sanctæque Ecclesiæ honorem fartum, tectumque haberent. Tandem ad eum locum, ubi Regis copiæ veluti captæ, obseffæque tenebantur, delatus illas arma ponere jussit, necnon Sanpauliano Comiti præcepit, ut eas Luparam usque deductas nequaquam derelinqueret, donec ad securum locum pervenissent. Hac agendi ratione Dux majorem adhuc auctoritatem, existimationemque apud populum sibi conciliabat, eo quod omnibus perjucundum accideret, quod tam generosæ victoriæ testes essent: quapropter ab ipsis etiam regiis copiis pluri- mi habebatur, cum hæ eidem reipsa in acceptis referre cogerentur, quod e feditiosæ plebis manibus eruptæ fuissent.

Vespere autem per omnes plateas, totiusque Parisinæ Urbis vicos crebræ Stationes disponebantur, cum autem a Mercatorum Præfecto Regis nomine,

Nn 4 sicut

Sæcul. XVI. sicut fieri alias consueverat, tessera illis daretur, hanc seditioni rejecerunt, illam præstolantes a Guisio Duce, qui anxie reddendæ pacis articulos proponi desiderabat.

A.C. 1588

§. XLI.

Iniquæ conditiones a Guisio Duce Reginæ Matri propositæ.

*Davila hist.
de Guer.
civil. l.9.
pag. 602.*

Enimvero res ad summam necessitatem devenerat, ideo Regina Mater comitantibus eam Pinarto secretioris Consilii Senatore, Belleverio, aliisque Proceribus ad Guisii diverforium contendere cogebatur, qua coram conspecta aliquamdiu mutuis querelis certatum, tandem vero de concordiæ pactis actum: attamen Dux adeo iniquas, atque immodicas petitiones proponebat, ut Regina de proximi successus spe conformatum crederet: postulabat enim Guisius. I. Rex ipsum tanquam supremum totius Regni sui Vicarium proclamet cum pari auctoritate, qua ejus parens regnante Francisco II. fruebatur. II. Regni comitia Parisiis celebrentur, ubi præfata dignitas eidem Duci afferatur. III. Ut populis adversus pericula, quibus sub hæretici Principis regimine expositi sunt, satis cautum sit, Navaræ Rex, & Borbonicæ Domus Principes, qui Navarri partibus adhærent, a jure